



“УЛААНБААТАР МАРАФОН” ОЛОН УЛСЫН
ГҮЙЛТ ЗОХИОН БАЙГУУЛАХ ЗААВАР

Нэг. Зорилго:

- 1.1 Эх орондоо гүйлтийн спортыг хөгжүүлэх, нийслэл хотоо дэлхийн улс орнуудад сурталчилах, гүйлтээр хичээллэгч, сонирхогч иргэдийн тоог нэмэгдүүлэх, өсвөр залуу үеийнхэнд өөрийн дотоод нөөц боломжийг нээж зорилгодоо хүрэх тэсвэр хатуужилтай болгон бие бялдрын болон оюун санааны өв тэгш хүмүүжил төлөвшүүлэхэд “Улаанбаатар Марафон” олон улсын гүйлтийг зохион байгуулахын зорилго оршино.
- 1.2 Хамрах хүрээ: “Улаанбаатар Марафон” олон улсын гүйлтэд гүйлтээр хичээллэдэг гадаад, дотоодын иргэд гүйгчид, их дээд сургуулийн оюутнууд, ерөнхий боловсролын сургуулийн сурагчид, нийслэлийн иргэд 25-30 мянган хүнийг хамруулна.

Хоёр. “Улаанбаатар Марафон”-ы зохион байгуулагч, хамтрагч, ивээн тэтгэгчид

Ерөнхий зохион байгуулагчид: Нийслэлийн Засаг даргын Тамгын газар, Соёл, спорт, аялал жуулчлалын яам, Нийслэлийн Биеийн тамир, спортын газар

Хамтран зохион байгуулагчид: Боловсрол, шинжлэх ухааны яам, Нийслэлийн Захирагчийн ажлын алба, Нийслэлийн Засаг даргын хэрэгжүүлэгч агентлаг, харьяа газрууд, Монголын Үндэсний Олимпийн хороо, Монголын Хөнгөн атлетикийн холбоо, Монголын хэт холын марафон гүйлтийн холбоо, "Ар Монгол" трайвел групп, Монголын залуучуудын холбоо, Монголын оюутны холбоо

Гурав. Зохион байгуулах журам, хугацаа:

- 3.1 “Улаанбаатар - Марафон” олон улсын гүйлтийн нээлтийн ажиллагаа 2014 оны 06 дугаар сарын 07-ны өдрийн 09.00 цагт Их эзэн Чингис хааны нэрэмжит талбайд болно.

Гүйлт: Их эзэн Чингис хааны нэрэмжит талбайгаас гаралаанаас гаргаж, тус бүрийн маршрутаар гүйж Их эзэн Чингис хааны нэрэмжит талбайд барианд барина.

Тэмцээн - 1. Марафон:

18-аас дээш настай марафон гүйлтээр тогтмол хичээллэгчдийн дунд хагас марафон /21095 м/, бүтэн марафон /42190м/ гүйлтийн тэмцээнийг зохион байгуулна.

Гүйгчдээс бүртгэлийн хураамж авна. Хураамжаа төлсөн гүйгчдийн бүртгэлийг баталгаажуулж энгэрийн дугаар, футболк, алчуур, танилцуулга, гүйлтийн маршрут зэргийг олгоно. Хураамж төлөөгүй гүйгчдэд энгэрийн дугаар олгохгүй бөгөөд дугаар аваагүй гүйгчдийг барианд барихгүй ба амжилтыг тооцохгүй. Мөн эрүүл мэндийн үйлчилгээ тусламжийг авах боломжгүй болно.

Тэмцээн– 2. Сонирхогчдын гүйлт:

Сонирхогчдын гүйлтийг 4 насны ангилаар 4 зайд зохион байгуулна.

- 17 нас хүртэл 4000 м /эр, эм, зөвхөн сонирхогчдын дунд/
- 18-35 нас 8000 м, /эр, эм, зөвхөн сонирхогчдын дунд/
- 36- 49 нас 5000 м /эр, эм, зөвхөн сонирхогчдын дунд/
- 50-иас дээш нас 4000 м /эр, эм, зөвхөн сонирхогчдын дунд/

Гүйлтэнд оролцогчдод энгэрийн дугаар олгоно. Гүйлтэнд оролцогчдыг бүртгэх ажлыг 2014 оны 04 дүгээр сарын 20-ноос эхлэн 06 дугаар сарын 06-ны өдрийг дуустал зохион байгуулна.

Бүртгэлд хувь хүн, гэр бүл, албан байгууллагаараа хамрагдаж болно.

Дөрөв. Шагнал урамшуулал:

“Улаанбаатар - Марафон” гүйлтийн хагас буюу бүтэн марафоны 21095м, 42190м зайд гүйж эхний 1-6 дугаар байрт шалгарсан эрэгтэй, эмэгтэй тамирчдад алт, мөнгө, хүрэл медаль, мөнгөн шагнал, өргөмжлөлөөр шагнана. Барианд орсон бүх тамирчдыг дурсгалын медаль, өргөмжлөлөөр шагнана.

| | | |
|---|----------|--------|
| Хагас марафон /21095 м/ гүйлтийн шагнал | I байр | 2500\$ |
| | II байр | 2200\$ |
| | III байр | 1800\$ |
| | IV байр | 200\$ |
| | V байр | 180\$ |
| | VI байр | 160\$ |
| Бүтэн марафон /42190 м/ гүйлтийн шагнал | I байр | 5000\$ |
| | II байр | 4000\$ |
| | III байр | 3000\$ |
| | IV байр | 300\$ |
| | V байр | 250\$ |
| | VI байр | 200\$ |

4000 м, 5000 м, 8000 м зайд гүйж эхний 1-3 дугаар байрт шалгарсан эрэгтэй, эмэгтэй тамирчдад алт, мөнгө, хүрэл медаль, мөнгөн шагнал, өргөмжлөлөөр шагнана.

| | | |
|------------------------|----------|-------|
| 4000 м гүйлтийн шагнал | I байр | 100\$ |
| | II байр | 80\$ |
| | III байр | 60\$ |
| 5000 м гүйлтийн шагнал | I байр | 120\$ |
| | II байр | 100\$ |
| | III байр | 80\$ |
| 8000 м гүйлтийн шагнал | I байр | 200\$ |
| | II байр | 160\$ |
| | III байр | 120\$ |

Тав. Бүртгэлийн ажиллагаа

5.1. Бүртгэлийг 2014 оны 04 дүгээр сарын 20-ны өдрөөс 06 дугаар сарын 06-ны өдрийн 17:00 цаг хүртэл Нийслэлийн Биеийн тамир, спортын газар /Соёлын төв өргөөний 1 дүгээр давхарын 13 тоот/-ын өрөөнд хийнэ. Бүртгэлд биеэр ирж болон онлайнаар хамрагдаж болно.

Гүйлтэнд оролцох хүсэлтэй гадаад, дотоодын иргэд бүртгэлийн маятyg үнэн зөв бөглөж зургаа нааж ирүүлнэ.

- 5.2. Бүртгэлд хамрагдах гүйгчид иргэний үнэмлэх болон өөрийнхөө төрсөн он, сар, өдрийг баталгаажуулах бичиг баримт, тухайн тамирчны оролцох зайд гүйж болохыг зөвшөөрсөн эмчийн бичиг, гадаадын тамирчид эрүүл мэндийн даатгал зэргийг авч ирнэ.
- 5.3. Сонирхогчдын гүйлтэд оролцогчдод, энгэрийн дугаар олгоно. Энгэрийн дугаар аваагүй гүйгчдийг барианд барихгүй бөгөөд үзүүлсэн амжилт хугацааг тооцохгүй.
- 5.4. Хагас, бүтэн марафон гүйлтэнд оролцогчид гараанд гарахаас өмнө эмчийн хяналтад хамрагдан даралтаа хэмжсэн байна.
- 5.5. Бусад зайд гүйгчид гүйлт болохоос 3 хоногийн дотор эмчийн үзлэгт хамрагдан зүрхний цохилт, даралтаа хэмжүүлсэн байна.
- 5.6. Хөдөө, орон нутгаас оролцож байгаа тамирчдын байр, хоол, ирэх, буцах унааны зардлыг тэмцээнд оролцуулж байгаа тухайн байгууллага буюу тухайн тамирчин өөрөө хариуцна.
- 5.7. Чингисийн талбай руу орох, гарах хөдөлгөөнийг 8:30 минутад хязгаарлан хаах тул гүйлтэнд оролцогчид Их эзэн Чингис хааны нэрэмжит талбай, гарaanы шугамын ард 8:30 минутаас өмнө ирж байрлалаа эзэлсэн байна. Гүйгчдийн бүртгэлд хамрагдсан дарааллыг харгалзан гарaanы шугамын ард байрлуулна.
- 5.8. Тэмцээний өдөр бүртгэл хийхгүй. “Улаанбаатар – Марафон” олон улсын гүйлтэнд оролцохоор гадаад орноос буюу өөр аймаг, хотоос ирж байгаа урьдчилан бүртгүүлсэн тамирчдад 2014 оны 06 дугаар сарын 07-ны өдөр 07:00 – 08:00 цагт энгэрийн дугаарыг нь олгоно.
- 5.9. Бүртгэлийн хуудас, гүйлтийн хураамжийг төлөх дансны дугаарыг www.sport.ub.gov.mn сайтад байршуулсан байна.
- 5.10. Гүйлтийн 42190 м, 21095 м, 8000 м-ийн зайд уралдах гүйгчид 15000 /арван таван мянга/, 4000 м, 5000 м-ийн зайд уралдах монголын гүйгчид 2000 /хоёр мянга/ төгрөгийн хураамж төлнө.

Хаяг: Сүхбаатар дүүрэг, Соёлын төв өргөө, Монголын Театрын музейн, 3-н давхарт

Шуудангийн хаяг:
Төв шуудан -13/236
Утас: 312785, 328977, 99178373
Факс: 976-11-328977
E-mail: it@sport.ub.gov.mn

Нийслэлийн Биеийн тамир,
спортын газар